



文獻通考卷之三十三十七

都陽馬端臨貴顯著

四裔考

于闐

于闐漢時通焉都葱嶺之北二百餘里去長安九千一百里戶三萬  
二千東北至都護治所三千九百里南與婁菟接北與姑墨接東北  
去龜茲千四百里東去鄯善千五百里西通皮山國四百里去東朱  
俱波國六里西北至疎勒國千五百里其國之西水皆流注西海其  
東水東注塩澤即蒲昌海國有阿耨達山漢書河源出焉一名計首水一名樹拔河或

云即黃河也北海七百里入計首水一名計首水  
即葱嶺南河同入塩澤或云阿耨達即崑崙山風俗物產與龜茲

略同後漢建武末莎車王賢強盛攻并于闐徙其主俞林為驪歸王  
以莎車將軍居德為于闐王明帝永平中居德死後于闐將休莫霸  
死兄子廣德立後遂滅莎車其國轉強盛從精絕西北至疎勒十三

國皆服從而鄯善王亦始強盛自是南道自葱嶺以東唯此二國為  
大順帝時遣侍子詣闕貢獻元嘉時漢所遣長史王敬入于闐矯詔  
殺其王建為于闐將輸葵等所殺將討之後竟不能出兵于闐恃此  
遂驕後魏真君中大武討吐谷渾慕利延慕利延遂西入于闐殺其  
王死者甚眾獻文末蠕蠕寇于闐遣使上表曰西方諸國今皆  
已屬蠕蠕奴世奉大國至今無異故遣使奉獻遙望救援自後每使  
朝獻梁武帝時九四遣使通江左獻方物及琉璃鬕刻玉佛周建德  
三年遣使獻名馬隋大業中頻遣使朝貢時其王姓王氏錦帽金裝  
冠髮不令人見俗云見王髮年必儉國地方亘千里所都城方八九  
里部內有大城五小城數十山多美玉有好馬駝騾其刑法與中國  
略同風俗物業與龜茲同俗重佛法寺塔僧尼甚眾王猶信尚每設  
齋日必親自灑掃饋食于闐西五百里有比摩寺云是老子化胡成  
佛之所云老子至此日昇天與群胡辭訣言我暫游天上尋當俗  
下生其後出生入世國化為胡王太子自稱曰佛因立此寺俗

無禮義多盜賊淫縱自高昌以西諸國人等深目高鼻唯此一國  
不甚胡頗類華夏其後併有漢戎盧杆彌渠勒皮山五國故地其左  
曰西山城勝兵四千人有玉河國人夜視月光盛處必得美玉王居  
繪室俗機巧言迂大喜事祇神浮屠法然貌恭謹相見皆跪以木為  
筆玉為印凡得問遺書戴于首乃發之自漢武帝以來中國詔書將  
節其王傳以相授人喜歌舞工紡織西有沙磧鼠大如蝟色類金出  
入群鼠為從初無桑蠶焉鄰國不肯出其王即求婚許之將迎乃告  
曰國無帛可持蠶自為衣女聞置蠶帽絮中關守不敢驗自是始有  
蠶女刻石約無殺蠶蛾飛盡得治繭王姓尉遲氏名屋密本臣突厥  
唐貞觀六年遣使者入獻後三年遣子入侍阿史那社爾之平龜茲  
也其王伏闕信大懼使子獻橐駝二百其後隨使者入朝請以子弟  
宿衛上元初身率子弟酋領七十人來朝擊吐蕃有功帝以其地為  
毗沙都督府析十州授伏闕雄都督死子墩立開元時獻馬駝納墩

死復立尉遲伏師戰爲王死伏闕建嗣立死子珪嗣珪死子勝嗣至德初以兵赴難因留宿衛乾元三年以其弟葉護曩權知本國事以後絕不復至晉天福三年其王奉璽天自稱唐之宗屬遣使來貢高祖遣供奉官張匡鄴高居誨等入其國策璽天爲大寶子闕國王匡鄴等自靈州行二年至于闐七年乃還頗記其往來所見山川而不能道聖天世次也

居誨記曰自靈州過黃河行二十里始涉沙入党項界曰細腰沙神樹沙至三公沙宿月支都督帳自此沙行四百餘里至黑堡沙沙尤廣遂登沙嶺沙嶺党項牙也其酋曰捺崖天子渡曰亭河至涼州涼州西行五百里至甘州甘州回鶻牙也其南山百餘里漢小月支之故地也有別族號鹿角山沙陀云朱耶氏之遺族也自甘州西始涉磧磧無水載水以行甘州人教晉使者作馬蹄木造四窠馬蹄亦鑿四窠而綴之駝蹄則包以輦皮乃可行西北五百

里至肅州凌金河西百里出天悶關又西百里出五門關經吐蕃男子冠中國帽婦人辮髮戴瑟瑟云珠之好者一珠易一良馬西至瓜州沙州一州多中國人聞晉使者來其刺史曹元深等郊迎問使者天子起居瓜州南十里鳴沙山云冬夏殷殷有聲如雷云禹貢流沙也又東南十里三危山云三苗之所竄也其西渡都鄉河曰陽關沙州西曰仲雲族其牙帳居胡盧磧云仲雲者小月支之遺種也其人勇而好戰瓜沙之人皆憚之胡盧磧漢明帝時征匈奴屯田於吾盧蓋其地也地無水而嘗寒多雪每天暖雪銷乃得水臣鄴等西行入仲雲界王大屯城仲雲遣宰相四人都督三十七人候晉使者臣鄴等以詔書慰諭之皆東向拜自仲雲界西始涉磧磧無水掘地得濕沙人置之甕以止渴又復渡陷河伐種置水中乃渡不然則陷又西至紺州紺州于闐所置也在沙州西南云去京師九千五百里矣又行二日至安軍州遂至于闐聖天

衣冠如中國其殿皆東向曰金冊殿有樓曰七鳳樓以蒲萄為酒  
又有紫酒青酒不知其所釀而味尤美其食粳沃以蜜粟沃以酪  
其衣布帛有園圃花木俗喜鬼神而好佛聖天居殿嘗以紫衣僧  
五十人列侍其年號同慶二十九年其國東南曰銀州廬州涓州  
其南千三百里曰玉州云漢張騫所窮河源出于闐而山多玉者  
此山也

漢乾祐元年復遣使入貢宋建隆二年十二月聖天遣使貢圭一以  
玉為押使者言國城東有白玉河西有綠玉河次西有烏玉河源出  
崑崙山去國城西千三百里每歲秋水小之後國人取玉於河謂之  
撈玉官取之後方許私取以蒲萄醞為酒味極醇美乾德三年五月  
于闐僧善名善法來朝賜紫衣其冬又有朝使至四年貢方物開寶  
二年遣使來貢且言本國有玉一塊凡二百三十七斤願以上海  
遣使取之四年其國王書來言破疏勒國得舞象一欲以為獻詔俱

許之太中祥符二年其國黑韓維斯温等以方物來貢跪上  
上詢其在路幾時去此幾里對曰道一年晝行暮息不知里數昔時  
路常有剽劫今自瓜沙至于闐道路清謐行旅如流願遣安撫遠使  
上曰路遠命使益以勞費爾國今降詔書汝貢往亦與命使無異也  
天聖三年遣使來貢玉鞍轡曰玉帶胡錦獨峯橐駝乳香硃砂詔給  
還其直別賜襲衣金帶銀器加祐八年八月遣使貢方物十一月以  
其國王為特進歸忠保順砮鱗黑韓王于闐謂金翅鳥為砮鱗黑韓  
蓋可汗之訛使言其王乞此號云熙寧以來遠不踰一二歲近則歲  
再至所貢珠玉珊瑚翡翠象牙乳香木香琥珀花藥布硃砂龍蓋胡  
錦玉鞍轡馬膺胸膈金星石火銀安息鷄舌香有所持無表章者每  
賜以暈錦旋欄衣金帶器幣帛相則盤球雲錦夾欄地產乳香來輒  
群負私與商賈牟利不售則歸諸外府得善價故其來益多元豐初  
始詔唯貢表及方物馬驢乃聽詣闕乳香以無用不許貢四年遣蕃

部阿辛二表稱于闐國僭稱有福力知文法黑汗王書與東方日出  
處大世界田地主漢家阿舅大官家大略云路遠傾心相向前三遣  
使入貢未回重復數百言董禮使道至熙州譯其辭以聞詔前三輩  
使人皆已朝見錫賚遣發賜勅書諭之神宗嘗問其使去國歲月所  
經何國及有無鈔掠對曰去國四年道途居其半歷黃頭回紇達勒  
青唐惟懼契丹鈔掠耳因使之圖上諸國距漢境遠近為書以授李  
憲八年九月遣使入貢使者為神宗飯僧追福賜錢百萬還其所貢  
獅子元祐中以其使至無時令肥河間歲一聽至關八年請討夏國  
不許忽聖中其王阿忽都董娥密竭篤又言緬藥家作過別無報效  
已遣兵攻甘沙爾三州詔厚答其意知秦州游師雄言于闐大食拂  
林等國貢奉般次踵至有司憚於供賚抑留邊方限二歲一進夷秋  
慕義萬里而至此非所以來遠人也從之自是訖于宣和朝貢不絕

踈勒

踈勒漢時通焉王治踈勒城去長安九千三百里戶千五百都白山  
南百餘里東至都尉治所二千二百里南有河西帶葱嶺亦名雪山  
在國西北百餘里河所出東去龜茲千五百里西去撥汗國外千  
里當六月氏大宛康居道南去莎車五六百里去朱俱波八九百里  
隋史云東北去突厥牙帳千餘里東南去瓜州四千六百里在于闐國北千五百里土多稻粟蔗  
銅鐵綿錦雌黃後漢明帝永平中龜茲王建攻殺踈勒王成自以龜  
茲左候兜題為踈勒王漢遣班超劫縛兜題而立成之兄子忠為踈  
勒王忠後叛反超擊斬之取恭為戊己校尉屯車師後王金滿城為  
匈奴所攻恭引眾人踈勒城中乏水穿井十五丈不得水恭整衣冠  
向井拜拔刀刺山飛泉湧出賊遂退安帝元初中踈勒王安國死舅  
臣盤立為王漸以強盛戶至二萬一千順帝永建二年遣使奉獻至  
靈帝建寧初為李父和得所殺自立為王其後連相殺害漢不能復  
禁至後魏文成末其王遣使送釋迦牟尼佛袈裟一長二丈餘帝以

其審是佛衣當有靈異命焚之置猛火上終日不燃其王戴金獅子冠每歲嘗供送於突厥其都城方五里國內有大城十二小城數十人手足皆六指產子非六指者即不育勝兵有二千人地多沙磧少壤土俗尚詭詐生子亦束頭其人文身碧瞳王姓裴氏自魏阿摩支居迦師城突厥以女妻之隋大業中又遣使來唐貞觀九年獻名馬又四年與朱俱波甘棠貢方物儀鳳時吐蕃破其國開元十六年遣大理正喬夢松等冊其君安定為疏勒王天寶十二載首領裴國良來朝授折衝都尉賜紫袍魚袋  
杜環經行記云按汗那國在恒里西去本國千餘里城有數十兵有數萬唐天寶十年嫁和義公主於此國土有波羅林林下有毘場又有野鼠遍滿山谷偏宜蒲萄羅果香棗桃李從此國至西海盡居土室衣羊皮疊布男女皆著靴婦人不飾鉏耨以青黛塗眼而巴薩音謂

烏孫

烏孫國大昆彌治赤谷城其形最異今之胡人青服赤鬚狀類彌猴者木其種夫長安八千九百里戶十二萬口六十三萬勝兵十八萬八千人相大

祿左右大將二人侯三人大將都尉各一人大監二人大吏一人舍中大吏二人騎君一人東至都護治所千七百二十一里西至康居蕃內地五千里地莽平多雨雪寒山多松櫛莽平謂有草莽而平也櫛木名其心似松田作種樹隨畜逐水草與匈奴同俗國多馬富人至四五千疋民剛惡貪狼無信多寇盜最為強國故服屬匈奴後盛大取羈屬不肯往朝會東與匈奴西北與康居西與大宛南與城郭諸國相接本塞地也大月氏西破走塞王塞王南越縣度大月氏居其地後烏孫昆莫擊破大月氏大月氏徙巨天夏而烏孫昆莫居之故烏孫民有塞種大月氏種云始張騫言烏孫本與大月氏共在燉煌間今烏孫雖強大可厚賂招令東居故地妻以公主與為昆弟以制匈奴乃令騫資金幣往昆莫見騫如軍禮自是騫大歎謂曰天子致賜王不拜則還賜昆莫起拜他如故初昆莫有十餘子中子大祿強善將將眾萬餘騎別居大宛元太子太子有子曰岑陔太子蚤死

謂昆莫曰必以岑陬為太子昆莫哀許之大祿怒乃收其昆弟將眾  
謀攻岑陬昆莫與岑陬高餘騎令別居昆莫亦自有萬餘騎以自  
備國分為三大總羈屬昆莫塞既發賜諭旨曰烏孫能東居故地則  
漢遣公主為夫人結為昏室并距匈奴不足破也烏孫遠漢未知其大  
小又近匈奴服屬日久其大臣皆不欲徙昆莫年老國分不能專制  
乃發使送騫并獻馬數十疋報謝其使見漢人眾富厚歸言其國其  
國後乃益重漢匈奴聞其與漢通怒欲擊之又漢使烏孫乃出其南  
抵大宛月氏相屬不絕烏孫於是恐使使獻馬願得尚漢公主為昆  
弟天子問群臣議許曰必先納聘然後遣女烏孫以馬千疋聘漢元  
封中遣江都王建女細君為公主以妻焉賜乘輿服御物為備官屬  
宦官侍御數百人贈送甚盛烏孫昆莫以為右夫人匈奴亦遣女妻  
昆莫昆莫以為左夫人其國謂王曰昆彌亦曰昆莫公主至其國別治宮室而居  
歲時一再與昆莫會置酒飲食昆莫年老言語不通公主悲愁自作

歌以述意天子聞而憐之間歲遣使者贈遺昆莫年老欲使其孫岑  
陬尚公主公主不聽上書言狀詔從其俗岑陬遂妻公主昆莫死岑  
陬立岑陬者官號也名軍須靡公主死漢復以楚王戊之孫解憂為  
公主妻之岑陬死季父子翁歸靡立號曰肥王復尚解憂公主宣帝  
初公主及昆彌上言匈奴連歲侵擊欲發國中精兵自給人馬五萬  
騎盡力擊匈奴唯天子出兵以救本始三年漢發十五萬騎五將軍  
分道並出遣校尉常惠持節護烏孫兵昆彌將五萬騎從西方入至  
匈奴右谷蠡王庭獲四萬級馬牛羊驢橐駝七十餘萬元康二年昆  
彌上書願以漠外孫元音靡為嗣解憂子得令復尚公主詔下公卿議  
蕭望之等以為烏孫絕域變故難保不可許上羨烏孫新立大功難  
重絕故業許其婚會翁歸靡死國人共立岑陬子泥靡代為昆彌元  
貴靡不得立乃不復事漢泥靡自立號狂王復尚解憂生一男臨靡  
王不與主和又暴惡漢眾遣使備問和意副候任昌送子侍公主



難境漢時通焉去長安萬一百里戶五千東北至都護治所二千八  
百里西南至罽賓三百里南至姑焉北與休屠西與大月支接種五  
穀蒲萄果有銀鉄銀作兵與諸國同屬別貢

大宛

大宛漢時通焉王治貴王山城去長安萬二千三百里戶萬東至都護  
治所四千里北至罽賓二千里南至大月氏七百里北  
與康居南與大月氏接土地風氣物類人俗與大月氏安息同大宛  
左右以蒲萄為酒富人藏酒至萬餘石及者至數十年不敗人嗜酒馬  
嗜首畜多善馬汗血其言先天馬子大宛國中有高山其上有馬不可  
得因取五色母馬置其下與集生  
號為天馬子始張騫為武帝言之帝遣使者持千金及金馬以請宛  
善馬宛王以漢絕遠大兵不能致遂殺漢使太初元年拜李廣利為  
貳師將軍期至貳師取善馬率數萬人至其境攻郁城不下引還往  
來二歲至燉煌士卒存者十不過一二帝怒其不克使遮王門不許

入貳師因留屯燉煌又遣貳師率六萬人負私從者不與馬牛十萬  
馬三萬疋驢橐駝萬數天下騷然益發戍甲卒十八萬置焉延休屠  
於城下以衛酒泉貳師至宛宛人斬王母寡首獻馬漢軍又  
馬數十疋中馬以下牝牡三千疋而立宛貴人昧蔡為王約歲獻馬  
遂採蒲萄首畜種而歸二師再行往返凡四歲自宛以西至安息雖  
頗異言然大同自相曉知也其人皆深目多髭髯善賈其俗貴女人  
女子所言丈夫乃決正其地無絲漆不知鑄器及漢亡卒降教鑄作  
兵器後漢明帝時宛又獻汗血馬至後魏文成帝和平六年孝文太  
和三年並遣使獻馬隋時蘇對沙那國即漢大宛也宋膺異物志大  
宛馬有肉角數  
寸或有解人舞及知音舞與鼓節相應者隋西域圖記云其馬騶馬  
烏馬多赤耳黃馬赤馬多黑耳惟耳色則自餘毛色與常馬不異又  
云王姓蘇色匿守底失槃陀積代承襲不絕案今王即底失槃陀之  
後也

莎車

莎車國治莎車城去長安九千九百五十里戶二千三百三十九口

萬六千三百七十三勝兵三千四十九人輔國侯左右將左右騎君  
備西夜君各一人都尉一人譯長四人東北至都護治所四千七百  
四十六里西至疏勒五百六十里西南至蒲犁七百四十里有鐵山  
出青玉漢宣帝時烏孫公主小子萬年莎車王愛之莎車王無子死  
死時萬年在漢莎車國人計欲自託於漢又欲得烏孫心即上書請  
萬年為莎車王漢許之遣使者奚充國送萬年萬年初立暴惡國人  
不說莎車王弟呼屠徵殺萬年并殺漢使者自立為王約諸國皆漢  
會衛候馮奉世使送大宛客即以便宜發諸國兵擊殺之更立他昆  
弟子為莎車王諸國悉平威振西域奉世至大宛大宛聞其斬莎車  
王敬之異於他使得其名馬象龍而還馬形似龍帝甚說下議封奉世少  
府蕭望之以奉世擅發諸國兵雖有功不可為後法後奉使者爭發  
兵要功萬里外為國生事於夷狄不可長不宜受封帝善其議拜奉  
世光祿大夫匈奴單于因王莽之亂略有西域唯莎車王延最强不

肯附屬元帝時常山為侍子長於京師慕樂中國亦復參其典法常勅  
諸子當世奉漢家不可負也天鳳五年延死謚忠武王子康代立光  
武初康率傍國拒匈奴擁衛故都護吏士妻子千餘口檄書河上問  
中國動靜自陳田慕漢家建武五年河西大將軍竇融乃承制立康  
為漢莎車建功懷德王西域大都尉五十五國皆屬焉九年康死謚  
宣成王弟賢代立攻破拘彌西夜國皆殺其王而立其兄康兩子為  
拘彌西夜王十四年賢與鄯善王安並遣使詣闕貢獻於是西域始  
通葱嶺以東諸國皆屬賢十七年賢復遣使奉獻請都護天子以問  
大司寇竇融以為賢父子兄弟相約事漢款誠又至宜加號位以鎮  
安之帝乃因其使賜賢西域都護印綬及車騎黃金錦繡燉煌太守  
裴遵上言夷狄不可假以大權又今諸國失望詔書收還都護印綬更  
賜賢以漢大將軍印綬其使不肯易遵迫奪之賢由是始恨而猶詐  
稱大都護移書諸國諸國悉服屬焉號賢為單于賢浸以驕橫重求

賦稅數攻龜茲諸國諸國愁懼二十一年冬車師前王鄯善馬耆  
等十八國俱遣子入侍獻其珍寶及得見皆流涕稽首願得都護天子  
以中國初定北邊未服皆還其侍子厚賞賜之是時賢自負兵強欲  
并兼西域攻擊益甚諸國聞都護不出而侍子皆還大憂恐乃與燉  
煌太守檄願留侍子以示莎車言侍子見留都護尋出莫且息其兵  
裴遵以狀聞天子許之二十二年賢知都護不至遂遣鄯善王安書  
令絕通漢道安不納而殺其使賢大怒發兵攻鄯善安迎戰兵敗亡  
入山中賢殺掠千餘人而去其冬賢復攻殺龜茲王遂兼其國鄯善  
焉耆諸國侍子久留燉煌愁思皆亡歸鄯善王上書願復遣子入侍  
更請都護都護不出誠迫於匈奴天子報曰今使者大兵未能得出  
如諸國力不從心東西南北自在也於是鄯善車師復附匈奴而賢  
益橫焉耆王自以國遠遂殺賢使者賢擊滅之立其國貴人駟鞬為  
焉耆王賢又自立其子則羅為龜茲王賢以則羅年少乃分龜茲為

烏壘國徙駟鞬為烏壘王又更以貴人為焉耆王數歲龜茲國人共  
殺其王則羅駟鞬而遣使匈奴更請立王匈奴立龜茲貴人身毒為  
龜茲王龜茲由是屬匈奴矣賢以大宛貢稅減少自將諸國兵攻  
人攻大宛大宛王延留迎降賢因將其還國徙拘彌王橋塞提為大  
宛王而康居數攻之橋塞提在國歲餘亡歸賢復以為拘彌王而遣  
延留歸大宛使貢獻如常賢又徙于闐王俞林為驪歸王立其弟位  
侍為于闐王歲餘賢疑諸國欲叛召位侍及拘彌姑墨子合王盡殺  
之不復置王但遣將鎮守其國莎車將在于闐者暴虐為其國人所  
殺賢乃引兵攻于闐兵敗而走于闐大人休莫霸進圍莎車中流矢  
死兵乃退于闐立休莫霸兄子廣德為王匈奴與龜茲諸國共攻莎  
車不能下賢連發兵車乃與廣德和後廣德虜賢妻子而并其國匈  
奴遣兵將賢子不居微立為莎車王廣德又攻殺之更立其弟蘇  
黎為王章帝元和三年長史趙廣發諸國兵擊莎車大破之由是遂

降漢矣

班固論曰孝武之世國祚匈奴患其業從西國結黨南羗乃表河西列四郡開玉門通西域以斷匈奴右脅隔絕南羗月氏單于失援自是遠遁而幕南無王庭因文景玄默養人五代天下殷富則力有餘士馬強盛故能賄犀布瑇瑁則建珠崖七郡感菑警竹枝則開牂牁越嶲閉天馬滿菑則通大宛自是之後萬里相奉師旅之費不可勝計至於用度不足乃椎酒酤筦鹽鐵白金皮幣筭至車船租及六畜人力屈財竭因之以凶年群盜並起自以末年遂棄輪臺之地且下哀痛之詔豈非聖人之所悔哉且通西域近有龍堆遠則葱嶺身熱頭痛懸度之阨淮南杜欽揚雄之論皆以為此天地所以界別區域絕外內也書云西戎即序禹就而六之非上威服致其貢物也西域諸國各有君長兵衆分弱無所統一雖屬匈奴不相親附匈奴能得其馬畜旃剌而不能統率與之進退

與漢隔絕道路又遠得之不為益棄之不為損盛德在我無取於彼故自建武以來西域思漢盛德咸樂內屬唯其小邑鄯善車師界迫匈奴尚為所拘而其大國莎車于闐之屬數遣使請都護置質聖人遠鑑古今因時之宜羈縻不絕辭而未許雖大禹之序西戎周公之讓白雉太宗之却走馬義兼之矣亦何以尚茲

### 屬賓

屬賓國治循鮮城去長安馬二千二百里不屬都護戶口勝兵多大國也東北至都護治所六千八百四十里東至烏托國二千二百五十里東北至難陀國九日行西北與大月氏西南與烏弋山離接昔匈奴破大月氏六月氏西君大夏而塞王南居屬賓塞種分散往往為數國自疏勒以西北休循指毒之屬皆故塞種也屬賓地平溫和有苜蓿雜草奇木檀檉即槐之類葉大而黑梓竹漆種五穀蒲菑諸果糞治園田地下濕生稻冬食生采其民巧雕文刻鏤治官室織屬刺文績好

治食有金銀銅錫以為器市列市有列肆亦以金銀為錢文為騎馬

幕為人面錢文面作騎馬形漫而作人面也出封牛水牛象大狗沐猴孔

爵封牛項上隆起者也蜀賓大狗大如驢珠璣珊瑚琥珀壁流離孟

日流離青色如玉薛古曰魏晉云大秦國出赤白黑黃青綠縹緋紅

紫十種流離此蓋自然之物采澤光潤輪於衆玉其色不相今俗所

用皆銷冶石汁加以煎藥灌而為之尤虛脆不貞實非真物他畜與諸國同自漢武帝始通蜀賓

自是絕遠漢兵不能至其王烏頭勞數剽殺漢使烏頭勞死子代立

遣使奉獻漢使閼都尉文忠送其使王復欲害忠忠覺之乃與容屈

王子陰末赴共合謀攻蜀賓殺其王立陰末赴為蜀賓王授印綬後

軍候趙德使蜀賓與陰末赴相失相失意也陰末赴鎖琅當德琅當長鎖

禁繫殺副以下七十餘人遣使者上書謝孝元帝以絕域不錄放其

使者於縣度絕而不通成帝時復遣使獻謝罪漢欲遣使者事送其

使杜欽說大將王鳳曰前蜀賓王陰末赴本漢所立後卒畔逆夫德

莫大於有國子民罪莫大於執殺使者所以不報恩不懼誅者自知

絕遠兵不至也有求則卑辭無欲則驕慢終不可懷服凡中國所為

通厚蠻夷愜快其欲者為壞比而為寇今縣度之阨阨非蜀賓所能

也其向慕不足以安西域雖不附不能危城郭城郭諸國前親迎節

惡暴西域故絕而不通今悔過來而無親屬貴人奉獻者皆行賈賤

人欲通貨市買以獻為名故煩使者送至縣度恐失實見欺凡遣使

送客者欲為防護寇害也起皮山南更不屬漢之國四五斤候士百

餘人五分夜擊刀斗自守夜有五更故尚時為所侵盜驢畜負糧須

諸國廩食得以自贖國或貧小不能食或祭黠不肯給擁強漢之節

餒山谷之間乞弓無所得離一二旬則人畜棄捐曠野而不反又歷

大頭痛小頭痛之山赤土身熱之阪令人身熱無色 頭痛嘔吐驢

畜盡然又有三池盤石阪道隱者尺六七寸長者徑三十里臨崢嶸

不測之深行者騎步相持繩索相引二千餘里乃到縣度畜墜未半

防谷盡靡碎人墮勢不得相收視險阻危害不可勝言聖王分九州

七百四十個字  
制五服務盛內不求外今遣使者承至尊之命送蠻夷之貢勞吏士之衆涉危難之路罷敝所恃以事無用非久長之計也使者業已受節可至皮山而還此言已立計遣之不能於是鳳白從欽言屬實實利賞賜賈市其使數年而一至云自後無聞至後魏始通之都善見城隋時謂之漕國在葱嶺之西南其王姓昭武康國之宗族勝兵萬餘人國法嚴整殺人及賊盜皆死其俗淫祀葱嶺山有順天神者儀制極華金銀爲屋以銀爲地祠前一魚脊骨其孔中通馬騎出入國王戴金牛頭冠坐金馬座土多稻粟豆麥有朱砂青黛安息青木等香石蜜黑鹽阿魏沒藥白附子北去帆延七百里東去劫國六百里南去瓜州六千六百里大業中遣使貢物唐武德二年遣使貢寶帶金鎖水精酸頗黎狀若酸棗貞觀中獻名馬遣使厚齎賜六國并撫慰天竺處羅拔王拜拜受命遣使導至天竺十六年又入貢國人共傳王始祖曰馨摩至曷擯支傳十二世顯慶三年以其地爲脩

鮮都督府神龍初拜其王脩鮮寺十一州諸軍事脩鮮都督開元七年遣使獻天文及祕文尚藥其王請以子拂林尉婆嗣聽之天寶四載冊其子勃匄准襲王乾元初使者入貢

吐呼羅

吐呼羅去代一萬二千里東至范陽國西至悉萬斤國中間相去二千里南至連山不知名北至波斯國中間相去一萬里薄提城周匝六十里城南有大水西流名漢樓河土宜五穀有好馬駝騾其王曾遣使入貢

拔豆

拔豆國去代五萬一千里東至多勿當國西至旃那國中間相去七百里南南至焉耆國北至弗那伏且國中間相去九百里國中出金銀雜寶白象牛羣王用者五穀

謝颺

謝肥居吐火羅西酋本曰薄矩吒唐顯慶時謂訶達羅支武后改今  
號東距罽賓東北帆延皆四百里南婆羅門西波斯北護時健其王  
居鶴悉那城七千里多金粟草糞泉灌田園中有突厥罽賓吐火  
羅種人雜居罽賓其子為可汗以禦天食云雲初遣使朝貢後遂  
臣罽賓開元八年天子冊葛邏文詔利發誓屈爾為王至天寶中  
數朝獻帆延者或曰望衍曰梵衍那居斯平莫運山之旁西北與護  
時健接東南距罽賓西南河達羅支與吐火羅連境地寒人穴居王  
治羅爛城有大城四五水比流入烏許河貞觀初遣使者入朝顯慶  
三年以羅爛城為寫鳳都督府縛時城為悉萬州授王荀寫鳳州都  
督管內五州諸軍事自是朝貢不絕石汗那或曰斫汗那自縛野底  
南入雪山行四百里得帆延東臨烏許河多赤豹開元天寶中一平  
朝獻

識匿

識匿或曰屍棄尼曰瑟匿東南直京師九千里東五百里距葱嶺守  
捉所南二百里屬護蜜西北五百里抵俱蜜初治苦汗城後散居山  
谷有大谷五首長自為治謂之五識匿地二千里無五穀人亦不  
劫商賈播蜜川四谷稍不用王號令俗窟室唐貞觀二十年與似沒  
役槃二國使者偕來朝開元十二下授王布遮波資金吾衛大將軍  
天寶六載王跌失伽延從討勃律戰死擢其子都督左武衛將軍給  
祿居蕃似沒者北接石土俗與康山役槃亦與康鄰出良馬俱蜜者  
治山中在吐火羅東北南臨黑河大突厥延陀種貞觀十六年遣  
使者入朝開元中獻胡旋舞女其一那羅延頗言為大食暴賦天子  
但慰遣而已天寶時王伊悉爛後又獻馬護蜜者或曰達摩悉鐵  
帝曰鑊侶元魏所譯此和音亦土人羅故地東南直京師九千里而  
羸橫千六百里王居塞之北烏許河地寒沍堆阜曲折沙石  
流漫有豆麥宜木果出善為人碧哩顯慶時以其地為烏飛州王沙

鉢羅頡利發為刺史地當四鎮之火羅道故役屬吐蕃開元八年  
冊其王羅旅伊陀骨吐祿多毗勤莫實達摩薩爾為王十六年與米  
首領米忽汗同獻方物明年大酋烏鶻達下復朝王死冊其從弟護  
真檀嗣王二十九年身入朝宴內殿拜左金吾衛將軍賜紫袍金帶  
天寶初請絕吐蕃賜鐵券八載天寶來朝請宿衛詔授右武衛將軍  
父乃遣又遣首領朝貢乾元元年王統設伊俱鼻施來朝賜氏李

烏弋山離

烏弋山離漢時通焉去長安萬二千二百里不屬都護戶口多大國  
也東北至都護治所六十日行東與罽賓北與樓桃西與犂軒條支  
犂軒即大秦也犂與驪同犂巨連反行可百餘日乃到條支 魏時其國各排持

條支

條支漢時通焉去陽關二萬二千一百里在葱嶺之西城在山之上  
周回四十餘里臨西海水由罽賓其南及東北三面皆絕唯西北隅通

陟道土地暑濕田宜稻出犛牛孔雀有大鳥如鸞人衆甚多往往  
有小君長安息役屬之以為外國安息以條支為善眩其草木畜產

五穀果菜食飲宮室布列錢貨兵器金珠之屬皆與罽賓同丁松

拔獅子犀牛挑拔一名符拔似鹿長毛一角者或為天鹿兩角者或為辟拔獅子似大蟲正黃有頓形尾端茸毛大如斗爾

雅亦謂之拔狃拔音步葛反亦頰旁其錢獨文為人幕為騎馬絕

遠漢使希至自玉門陽關出南道歷鄯善而南行烏弋山南道極矣

轉北而東馬行六十餘日至安息後漢和帝永元中班超遣掾甘英

使大秦抵條支臨大海欲渡而安息西界船人謂英曰海水廣大往

來者逢善風三月乃得渡若遇惡風雨亦有三歲者故入海人皆賈

三歲糧海中善使人思士戀慕數有死亡者英乃止安息長老傳聞

條支有弱水西王母亦未嘗見也玄中記云昆侖之弱水鴻毛不能

下謂之四荒也自條支乘水西行百餘日近日所入云

安息

安息王漢時通焉王治番堯城音番去長安萬一千六百里在葱嶺

之西大宛之西可數千里不屬都護北與康居東與烏弋山離西與

條支接土地風氣物類人俗與烏弋別賓同亦以銀為錢文獨為王

面幕為夫人面王死輒更鑄錢有大馬大爵大爵頸長鷹身蹄似橐駝色蒼舉頭高八九尺

張超文餘地方數千里最大諸國地臨焉水今謂焉商賈車船行旁

國畫革旁行為書記今西方胡書皆橫行不直下筆謂皮不柔者武帝始遣使至安息其

王令騎迎於東界木鹿城號為小安息去王都數千里行北過數十

城人戶相屬因發使隨漢使以大鳥及卵犁軒眩人獻至後漢章帝

時治和犢城遣使獻獅子符拔符拔形似麟而無角自安息西行三

千四百里至阿蠻國從阿蠻西行三千六百里至斯賓國從斯賓南

行渡河又西至于羅國九百六十里安息西界極矣自此南乃

通大秦其土多海西珍奇異物至後周武帝天和二年其王治葑搜

城遣使貢獻至隋大業五年安息國遣使朝貢王姓昭武與康國王

同族都在那密水南城有五重環方水官殿皆為

高七尺風俗同於康國唯妻其姊妹及母子逆相

文獻通考卷三百二十七終

文獻通考卷之二百三十八

鄯陽馬端臨貴興著

四裔考

西域

大夏

大夏漢時通焉在大宛西南二千餘里鳩水南其俗土著有城屋與大宛同俗去漢萬二千里居漢西南本無大君長城邑往往置小君長其兵弱畏戰善賈市及大月氏西徙乃攻之皆臣畜共稟漢使者同受節度大夏人多可萬餘有市販賈諸物其東南接不毒國皆屬大月氏

大月氏

大月氏漢時通焉治蓋氏城在大宛西可二二千里居鳩水北其南則大夏西接安息四十九日行北則康居去長安萬一千六百里不屬都護戶十萬東去長安所居六千五百里土地氣候物類風俗錢

貨與安息同出封駝音上其國本行國也隨畜移徙與匈奴同俗控  
弦十餘萬故恃強輕匈奴本居邊陲祁連間祁連在今張至冒頓單

于攻月氏而老上單于殺月氏王以其頭為飲器乃遠去過大宛西  
擊大夏而臣之都嬌水北為王庭其餘小眾不能去者保南山羗號

小月氏於大夏分其國為五部翎侯翎音武帝聞月氏遁而怒匈奴  
無與共擊之方從事滅胡乃使張騫使月氏時月氏既君大夏地肥

饒少寇志安樂又自以遠漢殊無報胡之心騫從月氏至大夏竟不  
能得月氏要領而還後百餘歲貴霜翎侯兵就却攻滅四翎侯自立

為王因號貴霜王又滅僕達音賓悉有其國復滅天竺月氏自此之  
後最為富盛至後漢代北與蠕蠕接數為所侵遂西徙都薄羅城去

弗敵沙二千一百里弗敵沙在後其王寄多羅勇武遂興師走大山  
南侵北天竺自乾陀羅以北五國盡役屬之國人乘四輪車或四牛

六牛八牛輓之在車大小而已後魏太武時其國人商販到京師自

云能鑄石為五色琉璃於具人採礦山中於京師鑄之既成光澤美於  
西方來者乃詔為行殿容百餘人光色映徹觀者驚以為神明所作

自此琉璃遂賤人不復珍之玄中記瑪瑙出大月氏又有牛名為日  
及今日取其肉明日割愈朱鷹

小月氏

小月氏治富樓沙城其王本六月氏王寄多羅子也寄多羅為蠕蠕

所逐西徙後令其子守此城因號小月氏焉在波路西南後魏史云  
去漢萬六

百里先居西平張掖之間並今被服類與羗同其俗以金銀錢為貨  
隨畜牧移徙亦類北狄其城東十里有佛塔周二百五十步高八十

丈自佛塔初建計至武定八年八月四十二年所謂百丈佛圖也晉  
天福時有仲雲旋居胡盧績即其遺種詳見于

康居漢時通焉在大宛西北可二千里與粟弋伊隣接王治樂越匿

康居

康居漢時通焉在大宛西北可二千里與粟弋伊隣接王治樂越匿

地卑闐城亦居蘇武城去長安萬二千三百里不屬都護戶十二萬  
東至都護治所五千五百里與大月氏同俗地和暖饒桐柳蒲萄多  
牛羊出好馬東羈事匈奴宣帝時郅支單于殺漢使者西阻康居依  
險阻以其後甘延壽陳湯誅滅郅支單于至成帝時康居遣子侍漢貢  
自保固獻然自以絕遠獨驕慢都護郵舜數上言康居驕黠本遣子入侍此  
其欲賈市飾好辭之計也宜歸其侍子絕勿復使不通使於其國燉  
煌酒泉小郡及南道八國給使者往來人馬驢橐駝食皆苦乏空罷  
耗所過送迎驕黠絕遠之國非至計也漢為其新通重置遠人以此  
為終羈縻而未絕自後無聞或名號變易或遷徙吞併非所詳也晉  
武帝泰始中其王那鼻遣使獻善馬後魏太武太延中遣使朝貢其  
國又稱者舌後魏史云即隋時謂之康國大業中遣使朝其子如溫  
月氏人也隋史云即漢康居之後舊居祁連山昭武城自被匈奴所  
破西踰葱嶺遂有此國拔庶各分王故康國左右諸國米國史國曹

國何國安國小安國那色波國烏那曷國穆國凡九國皆其種類並  
以昭武為姓示不忘本也康國都於薩寶水上阿祿迪城王索髮冠  
七寶金花綾羅錦繡白疊其妻有髻髻以帛巾丈夫剪髮錦袍名為  
強國西域諸國多歸之人皆深目高鼻多須髯善於商賈諸夷交易  
多湊其國有大小鼓琵琶五絃篋篋笛婚姻喪制與突厥同俗奉佛  
為胡書氣候溫宜五穀勤脩園蔬樹木滋茂出馬駝騾犂牛黃金礪  
砂甘松香阿薩那香琵琶囊皮靴氍毹錦疊多蒲萄酒富家或至千石  
連年不敗韋節西蕃記云康國人並善賈男年五歲則令與書少解  
則遣學費以得利名為善其人好音聲以六月一日為歲首至此日  
王及人無並服新衣翦髮康林下七日馬射至欲罷日置一  
金錢於帖上射中者則得一日為三卷奉天神崇敬甚重云神兒七  
月死失骸骨事神之人每至其月豐衣徒跣號哭涕淚  
交流丈夫婦女三百人散在野天兒骸骨七日便止國城外

別有二百餘戶專知養羊別築一院院內養狗每有人死即往取屍  
置此院內令狗食之內盡取骸骨埋殯無棺槨其國大城三十小堡  
三伯尚淨屠法祠妖神出機巧技十一月鼓舞乞寒以水交潑為樂  
唐武德十年遣使來獻貞觀五年又獻師子獸金桃銀桃杜遷經行  
米國西南三百  
餘里土沃人富高宗永徽時以其地為康居都督府即授其王為都  
督開元初貢鎖子鐵水精杯碼碯瓶駝鳥如其子與大食亟戰不勝  
來乞師天子不許久之封其子咄曷為曹王默啜為米王安者一曰  
布豁又曰捕喝元魏謂怛密者東北至東安西南至畢皆里所西瀕  
烏澹河治阿濫謐城即康居小君長蜀王故地大城四十小堡千餘  
募勇健者為柘羯柘羯猶中國言戰士也武德時遣使入朝貞觀初  
獻方物太宗厚尉其使曰西突厥已降商旅可行矣諸胡大詭其王  
訶陵迦又獻名馬自言一姓相承二十二世云是歲東安國亦入獻  
言于姓相承十世云東安或曰小國曰喝汁在那密水之陽東距河

二百里許西南至大安四百里治喝汁城亦曰覆斤大城二十小堡  
百顯慶時以阿濫為安息州即以其王昭武殺為刺史覆斤為木鹿  
州以其王昭武閉息為刺史開元十四年其王遣使朝納馬豹後八  
年獻波斯駿二拂菻繡毬一鬱金香石蜜等其妻可敦獻柘碎大  
纒毬二繡毬一丐賜袍帶鎧仗及可敦袿襦裝澤

鍛汗

鍛汗國居葱嶺之西五百餘里古渠搜國也元魏時謂拔汗那或曰  
破洛那有大城六小城百人多善工姓昭武守阿利奈都城方四里  
勝兵數千人王坐金羊皮妻戴金花俗多朱砂金鐵東去踈勒千里  
西至蘇對沙那國五百里西北去三國五百里東北去突厥可汗牙  
二千餘里東去瓜州五千五百里其王自魏晉相承不絕隋大業中  
遣使貢方物帝曰觀切王與必為西突厥所殺子遣波之治渴塞城  
顯慶初遣波之遣使朝貢高宗厚禮高宗三年以渴塞城為林梢州都

督就授刺史自是歲朝貢玄宗開元二十七年其王以功拜奉化王  
天寶三載改其國號為奉化王以其王曰靈文封宗室女為  
公主降之十三年王忠節遣子孫格朝貢詔衛軍禮聽之授左  
武衛將軍其事唐書卷一百一十五

米國

米國都那密水西舊書言之地無王其城主姓昭武康國王之支庶  
字閉拙都城方二里勝兵數百人西北去蘇對沙那國五百里西南  
去史國二百里東去瓜州六千四百里隋大業中墾貢方物

烏那遏國

烏那遏國都烏澹水西舊安息之地王姓昭武亦康國王種類字佛  
食都城方二里勝兵數百人東北至安國四百里西北去穆國二百  
餘里東去瓜州七千五百里隋大業中遣使貢方物

穆國

穆國都烏澹河之西亦安息之故地與烏那遏為隣王姓昭武氏亦  
康居王種類字阿濫密都城方三里勝兵二千人東北去安國五百  
里東去烏那遏二百餘里西去波斯國四千餘里東去瓜州七百里  
隋大業中遣使貢方物

曹國

曹國隋時聞焉那密水南數里舊是康居之城國無主康居王令  
子烏建領之勝兵千餘人國中有得悉神自西海以東諸國並敬事  
之其神有金人破羅闍丈五尺高下相稱每月以駝五頭馬十疋羊  
百口祭之常有數千人食之不盡東南去康國百里西去何國百五  
十里東去瓜州六千六百里大業中遣入貢東曹或曰都率沙那蘇  
對沙那却布咀那蘇都識匿凡四名居悉波山之陰漢貳師城地也  
東北距俱戰提二百里北至石西至康東北寧遠皆四百里許南至  
吐火羅五百里有野火城城有距密巖以閔論歲再祭人向窟立中

即煙出先觸者死武德中與康同遣使入朝其使曰本國以臣爲健  
兒聞秦王神武欲隸下麾高祖大悅西曹者隋時曹也南接使及波  
覽治瑟底痕城東北越于底城有得悉神祠國人事之有金貝器款  
其左曰漢時天子所賜武德中入朝天寶元年王哥邏僕羅遣使者  
獻方物詔封懷德王即上言祖考以來奉天可汗願同唐人受調發  
佐天子征討十一載東曹王設忽阿與安王請擊黑衣大食玄宗慰  
諭之不聽中曹者居西曹東康之北王治迦底真城其人長大攻戰闔

### 何國

何國都那密水南數里亦舊康居地王姓昭武康居之族類國城樓  
北屋畫華夏天子西壁畫波斯拂菻力甚反諸國東壁則畫突厥婆羅  
門諸國王勝兵千人風俗與康國同東去曹國百五十里西去小安  
國三百里東去瓜州六千七百五十里隋大業中遣使入貢唐貞觀  
十五年遣使入朝永徽時上言聞唐出師西討願輸糧于軍俄以其

地爲貴霜州授其王刺史

### 史國

史國都獨莫水南十里亦舊康居之地其王姓昭武亦康國王之後  
枝庶勝兵千餘人俗同康國北去康國二百三十里南去吐火羅五  
百里西去那色波國二百里東北去米國二百里去瓜州六千里隋  
大業中遣使貢方物後漸強盛乃創建乞史城爲數千里郭邑二萬  
家有鐵門山左右峭崿石色如鐵爲閼以限二國以金錮闔城有神  
祠每祭必千羊唐貞觀十六年復入貢顯慶時以其地爲陟沙州授  
其君刺史開元十五年來獻舞女其後首領時時入朝天寶中詔改  
史爲來威國

### 奄蔡

奄蔡漢氏通焉西與大秦東南二千里與康居接去陽關八千餘里  
控弦十餘萬與康居同俗而屬康居士氣溫和臨大澤無涯岸多積

松白草及豹畜牧逐水草蓋近北海至後漢改名阿蘭那國後魏時  
曰特栗一曰温那沙後漢史云初匈奴殺其王而有其國至文其國成帝遣使朝貢其王忽俛已三世矣  
商人先多詣涼土販易及魏克姑藏悉見虜文成初栗特王遣人贖  
之自後無使貢獻周保定四年來貢方物

滑國

滑國車師之別種也後漢順帝永建初八滑從班勇擊北虜有功漢  
以八滑為後部親漢侯自魏晉以來不通中國至梁武帝普通初其  
王厭帶夷栗陀始遣使獻貢黃師子白貂裘波斯錦等物後魏之居  
桑乾也滑猶小國屬蠕蠕後稍強大征其旁國波斯渴槃斃賓龜茲  
踈勒姑墨于闐等國焉其獸有師子兩脚駝野驢有角人皆善騎射  
箸小袖長袍用金玉為帶女人披裘頭上刻木為角長六寸以金銀  
飾之兄弟共妻無城種屋為居東向開戶其王坐金牀隨太歲轉無  
文字以大為契與旁國通使國中為胡書羊皮為紙無職官事天神

火神每日則出戶祀神而後食跪一拜而止死以木為槨父母死其  
子截一耳葬訖即吉其言語待譯而後通至後魏時謂之滑區阿跋  
檀周古柯胡密丹等國並滑旁小山也衣服容貌皆同普通初使使  
隨滑入貢

白題

白題王姓支名史稽殺其先蓋匈奴之別種胡漢漢嬰與匈奴戰斬  
白題騎一人是也在滑國東去滑六日行西極波斯土地出粟麥瓜  
果食物略與滑同梁普通三年遣使貢方物

嗽噠

嗽噠國大月氏之種類也亦曰高車之別種其原出於塞北自金山  
而南在于闐之西都烏訶水南二百餘里去長安一萬一百里其王  
都拔底延城蓋王舍城也其城方歲餘里多寺塔皆飾以金風俗與  
突厥略同其俗兄弟共一妻夫無兄弟者妻戴一角帽若有兄弟者

依其多少之數更加帽焉衣服類加以纓絡頭皆剪髮其語與蠕蠕  
高車及諸胡不同衆可有一萬無城邑依隨水草以適爲屋夏遷涼  
土冬逐暖處其諸妻各在別所相去或一二百里三百里其王巡歷  
而行每月一處冬寒之時二月不徙王位不必傳子子弟堪者死便  
受之其國無車有與多駝馬用刑嚴急賊盜無多少皆腰斬一責十  
死者富家累石爲藏貧者掘地而埋隨身諸物皆置塚內其人凶悍  
能鬪戰西漢唐平 箇沙勒安息及諸小國三十許皆殺厲之號爲大  
國與蠕蠕婚媾自後魏太安之後每遣使朝貢正光末貢師子一至  
高平遇萬俟醜奴反因留之醜奴平送京師永熙以後朝獻遂絕初  
熙平中明帝遣賸伏子統宋雲沙門法力等使西域訪求佛經時有  
沙門慧生者亦與俱行正光中還慧生所經諸國不能知其本末及  
山川里數蓋舉其略云至大統十二年遣使貢方物廢帝二年周明  
帝二年並遣使來獻後爲突厥所破部落分散職貢遂絕隋大業中

又遣使朝貢方物其國去曹國千五百里東至瓜州六千五百里

鉢和

鉢和在渴槃陀西其土尤寒人畜同居穴地而處又有大雪山望若  
銀峯其人唯食餅麪飲麥酒服氈裘有二道一道西行向厭婁一道  
西南趨烏長亦爲厭婁所統

波知

波知國在鉢和西南土狹人貧依託山谷其王不能總攝有三池傳  
去大池有龍王次者有龍婦小者有龍子行人經之設祭乃得過不  
祭多遇風雪之困

除彌

除彌國在波知之南山居不信佛法專事諸神亦附厭婁東有鉢盧  
勒國路峻綠鐵鎖而度下不見底後魏熙平中遣使宋雲等竟不能達

烏長

烏婁國在餘彌南北有葱嶺南至天竺婆羅門胡為其上族婆羅門  
多解天文吉凶之數其主動則訪決焉土多林果引水灌田豐稻麥  
事佛多諸寺塔極華麗人有爭訟服之以藥曲者發狂直者無恙為  
法不殺犯死罪唯徙於靈山西南有檀特山山上立寺以驅數頭運  
食山下無人控御自知往來也

乾陀

乾陀國在烏婁西本名業波為厭達所破因改焉其王本是救勒臨  
國已二世矣好征戰與罽賓鬪三年不罷人怨苦之有鬪象七百頭  
十人乘一象皆執兵仗象鼻縛刀以戰所都城東南七里有佛塔高  
七丈周三百步即所謂雀離佛圍也

挹怛同

挹怛國都烏許水南二百里大月氏之種也勝兵五六萬俗善戰先  
時國亂突厥遣通設宋語強領其國四俗同吐火羅南去曹國千五百

里東去瓜州六千五百里隨大業中遣使來貢按劉璠梁典滑國姓

噉噉後裔以姓為國號轉訛又謂之挹怛焉

節西蕃記云親問其國人並自稱挹怛又按漢書陳湯征到支康居  
副王挹怛抄其後重此或康居之種類然傳自遠國失語訛舛年代  
緜邈莫知根實不可得而辨也今考  
其風俗物產及諸家所說而編之

天竺

天竺後漢通焉即漢時身毒國

市之即天竺也或云摩伽陀或云波羅門在葱嶺之南去月氏東南  
數千里地方三萬餘里其中分為五天竺一曰中天竺二曰東天竺  
三曰南天竺四曰西天竺五曰北天竺地各數千里城邑數百南天  
竺際大海北天竺距雪山四周有山為壁南而一谷通焉國門東天  
竺東際大海與扶南村邑隣接但限小海而已西天竺與罽賓波斯  
相按中天竺據四天之間國並有王漢時又有捐毒國去長安九  
千八百里去都護治所二千八百里南與葱嶺相連北與烏孫接衣  
服類烏孫隨水草故塞種也顏師古云捐毒即身毒身毒則天竺塞  
種即釋也蓋從月氏高附國以西南至西海東至盤起比身毒之  
語音有輕重也

地有別城數百城置長有別國數十國置王雖各小異而俱名身毒

扶南傳云舍衛國隸屬天竺休尸國一名波羅柰國一名皮波羅柰  
斯國竺法維佛國記云波羅柰國在伽羅羅越國南千四百八十里

釋法盛曆國傳云其國有稍割牛其牛黑色角細長可四尺餘十日  
一割否則病或致死人服牛血皆老壽國人皆壽五百歲牛壽亦等  
於人亦天都臨恒河一名伽毗黎河靈鷲山胡語曰耆闍崛山山是  
竺屬國 青頭頭似鷲鳥竺法維佛國記云在摩竭提南亦天竺屬國也其時皆屬月氏月氏殺其王  
而置將令統其人俗脩浮圖道不殺生飲酒遂以成俗地卑溼暑熱  
其國臨大水乘衆而戰其人弱於月氏漢武帝遣使十餘輩出西南  
指求身毒爲昆明所閉莫能通和帝時數遣使貢獻後西域反畔乃  
絕相帝延熹二年頻從日南徼外來獻世傳明帝夢見金人長大頂  
有光明以問群臣或曰西方有神名曰佛其形長丈六尺而黃金色  
帝於是遣使天竺問佛道法遂於中國圖畫形像焉楚王英始信其  
術中國因此頗有奉其道者後相帝好神數祀浮圖老子百姓稍有  
奉者後遂轉盛魏晉世絕不復通吳時扶南王范旃遣親人蘇勿  
使其國從扶南發投拘利口循海大灣中正西北入歷灣邊數國可  
一年餘到天竺江口逆水行七千里乃至焉天竺王驚曰海濱極遠

猶有此入乎即今觀視國內仍差陳宋等二人以月支馬四疋報旃  
勿積四年方至其時吳遣中郎康泰使扶南及見陳宋等具問天竺  
土俗云佛道所興國也人敦龐土饒沃其王號茂論所都城郭水泉  
分流繞于渠漸下注大江其宮殿皆雕文鏤刻街曲市里屋舍樓觀  
鍾鼓音樂服飾香花水陸通流百曹交會器玩珍瑋恣心所欲左右  
嘉維舍衛葉波等十六大國去天竺或二三千共尊奉之以爲在  
天地之中宋文帝元嘉五年天竺伽毗黎國三月愛遣使奉表獻金  
剛指環摩勒金環寶物赤白鸚鵡各一明帝泰始二年又遣使貢獻  
以其使爲建威將軍元嘉十八年蘇摩物國王遣使獻金銀寶器後廢  
帝元微元年婆黎國遣使梁天監初天竺王屈多遣長史竺羅達奉  
表獻瑠璃唾壺雜香吉貢獻此數國皆事佛道等物國臨大江新陶源出崑崙分爲五江  
摠名恒水其水甘美下有真藍色正白如水精後魏宣武帝時南天  
竺遣使來獻駿馬云其國出師子胡反囊駝犀象有火齊如

雲母而紫色列之則薄如蟬翼積之則如紗縠之重者有金剛似紫  
石英百鍊不銷可以切玉瑋琯金銅鐵鉛錫金縷織成金罽白疊氍  
毼毼音登塔登音登又有旃檀鬱金香甘蔗諸果石蜜胡椒薑黑鹽西與大  
秦安息交市海中或至扶南交趾貿易多珊瑚珠璣琅玕俗無簿籍  
以齒貝為貨尤工幻化丈夫致敬極者舐足摩踵而致其詞家有奇  
樂倡伎其王與大臣多服錦罽王為螺髻於頂餘髮剪之使短丈夫  
剪髮穿耳垂瑤俗皆徒跣衣重白色怯於鬪戰有弓箭甲刃亦有飛  
梯地道木牛流馬之法有文字善天文筭曆之術其人皆學悉曇章  
書於貝多樹葉以記事隋煬帝志通西域遣裴矩應接西蕃諸國多  
有至者唯天竺不通帝以為恨天竺王姓乞利哩氏亦曰利利世有  
其國不篡弒稻歲四熟禾之長者沒橐駝婦人項飾金銀珠瓔絡死  
者燔骸取灰建宰堵或委野中及河餌鳥獸魚鼈無喪紀謀反者幽  
殺之小罪贖錢不孝者斷手足剝耳徙邊有文字善步曆學為梵天

書貝多葉以記事國中處處指曰佛故跡也信盟誓傳禁呪能致龍  
起雨唐武德中國太亂王尸羅逸多勤兵戰無前象不馳鞍士不釋  
甲因討西天竺皆北面臣之會唐浮屠者玄奘至其國尸羅逸多召見  
曰而國有聖人出作奈王破神樂試為我言其為人玄奘粗言太宗  
神武平禍亂為夷賓服狀王喜曰我當東面朝之貞觀十五年自稱  
摩伽陀王遣使者上書帝命雲騎尉梁懷敏持節尉撫尸羅逸多驚  
問國人自古亦有摩訶訶嚳訶嚳使者至吾國乎皆曰無有戎言中國為  
摩訶震旦乃出迎膜拜受詔書戴之頂復遣使者隨入朝詔衛尉丞  
李義表報之大臣郊迎傾都邑縱觀道上焚香尸羅逸多率群臣東  
面受詔書復獻火珠鬱金香提樹二十二年遣右衛率府長史王玄  
策使其國以蔣師仁為副未至尸羅逸多死國人亂其臣那伏帝阿  
羅那順自立發兵拒玄策時從騎總數十戰不勝皆沒遂剽諸國貢  
物玄策挺身奔吐蕃西鄙徵召隣國兵吐蕃以兵千人來泥婆羅以

七千騎來玄策部分進戰奈縛和羅城三日破之斬首三千級溺水  
死萬人阿羅那順委國走台散兵復裨師仁禽之俘斬千計餘衆奉  
五妻息阻乾陀衛江師仁擊之大潰獲其妃王子虜男女萬二千人  
雜畜二萬降城邑五百八十所東天竺國王尸鳩摩送牛馬三萬餽  
軍及弓刀寶纓珞迦沒路國獻異物并上地圖諸老子像玄策執阿  
羅那順獻闕下有司告宗廟擢玄策朝散大夫得方士那邏邇婆娑  
寐自言壽二百歲有不死何帝改館使治丹命兵部尚書崔敦禮護  
視使者馳天下採怪藥異石又使者走波羅門諸國所謂辟荼法本  
者出石臼中有石象人守之水有七種色或熱或冷能銷草木金鐵  
人手入輒爛以橐駝鬪羅轉注瓠中有樹名咀賴羅葉如泥生窮山  
崖腹前有巨虺守穴不可到欲取葉者以方鏃矢射枝則落為群鳥  
銜去則又射乃得之其詭譎類如此後術不驗聽還不能去死長安  
高宗時盧伽逸多者東天竺烏荼人亦以術進拜懷化大將軍乾封

三年五天竺皆來朝開元時中天竺遣使者三至南天竺一獻五色  
能言鳥乞師討大食吐蕃丐名其軍玄宗詔賜懷德軍使者曰蕃夷  
惟以袍帶為寵帝以錦袍金革帶魚袋并七事賜之北天竺一來朝  
乾元末河隴陷沒遂不復至周廣順三年西天竺僧薩滿多等十六  
族來貢名馬宋乾德三年滄州僧道圓自西域還得佛舍利一水晶  
器具葉林經四十夾來獻道圓天福中詣西域在塗十二年住五印  
度凡六年五印度即天竺也還經于闐與其使偕至太祖召問所歷  
風俗山川道里一一能記四年僧行勤等一百五十七人詣闕上言  
願至西域求佛書許之以其所歷甘沙伊肅等州馬耆龜茲于闐割  
祿等國又歷布路沙加濕彌羅等國並詔諭令人引導之開寶後天  
竺僧持梵夾來獻者不絕八年冬東印度王子穰結訛囉來朝貢天  
竺之法國王死太子襲位餘子皆出家為僧不復居本國有曼殊室  
利者乃其王子隨中國僧至馬太祖命館於相國寺善持律為都人

之所傾嚮財施盈溢衆頗嫉之以其不解唐言即僞爲奏求還本國許之詔既下曼殊室利始大驚恨衆僧諭以詔旨不得已遲留數月而後去自言詣南海附賈人船而歸終不知所適太平興國七年益州僧光遠至天竺以其王沒徙曩表來上上令天竺僧施護譯云近聞支那國內有大明王至聖至明威力自在每慙薄幸朝謁無由遙望支那起居聖躬萬福光遠來蒙賜金剛吉祥無畏坐釋迦聖像衆婆一事已被掛供養伏願支那皇帝福慧圓滿壽命延長常爲引道一切有情生死海中渡諸沉溺今以釋迦舍利附光遠上進又譯其國僧統表詞意亦與沒徙曩同施護者烏填曩國屬北印度西行十二日至乾陀羅國又西行二十日至曩誡羅賀羅國又西行十日至嵐婆國又西行十二日至誡惹曩國又西行至波斯國得西海自北印度行百二十日至中印度中印度西行三程至呵囉尾國又西行十二日至迦羅挈俱惹國又西行十二日至摩羅尾國又西行二十

至烏然泥國又西行二十五日至羅囉國又西行四十日至蘇囉國又西行十一日至西海北中印度行六月程至南印度又西行九日至供迦拏國又西行一日至海自南印度南行六月程得南海皆施護之所述云八年僧法遇自天竺取經回至三佛齊遇天竺僧彌摩羅失黎語不多之附表願至中國譯經上優詔召之法遇復募緣製龍寶蓋殺娑將欲往天竺表乞給所經番國敕書遂賜三佛齊國王還至葛古羅國主司馬信士柯蘭國王讚恒羅西天王子謨馱仙書以遣之雍熙中常州僧辭漸自西城還與胡僧密恒羅奉北印度王及金剛坐王那爛陀書亦又有婆羅門僧求世與波斯外道阿里煙同至京師求世自言本國名利得國王姓牙羅五得名阿諾你嚙衣黃衣戴金冠以七寶爲飾出乘象或有輿以音樂螺鈸前導多游佛寺博施貧乏其妃曰摩訶你衣紉縷金紅衣歲一出多所振施人有寃抑侯王及妃出游即迎隨申訴署國相四人庶務並委裁

制五穀六畜果實與中國無異市易用銅錢有文過圓徑如中國之制但實其中心不穿貫耳其國東行經六月至大食國又二月至西州又三月至夏州阿里煙自云本國一號黑衣姓張名哩里沒用錦綵為衣每游獵三二日一環國署大臣九人治國事無錢貨以雜物貨易其國東行經六月至婆羅門至道二年八月有天竺僧隨舶至海岸持帝鐘鈴杵銅鈴各一佛像一軀貝葉梵書一夾與之語不能曉天聖三年九年西印度僧愛賢智信護等來獻梵書經各賜紫方袍東帶五年二月僧法吉祥等五人以梵書來獻賜紫方袍景祐三年正月僧善稱等九人貢梵經佛骨及銅牙菩薩像賜以束帛

石湖范氏吳船錄曰乾德二年詔沙門三百人入天竺求舍利及貝多葉書有繼業三藏姓王氏耀州人預遣中至開寶九年始歸寺所藏涅槃經一函四十二卷業於每卷後分記西域行程雖不甚詳然地里大畧可考世所罕見錄于此以備國史之闕業自階

州出塞西行由靈武西梁甘肅瓜沙等州入伊吳元用此吳字高昌焉

耆子闐踈勒大石諸國度雪嶺至布路州國又度大蔥嶺雪山至

伽濕彌羅國西登大山有薩埵太子投崖餓虎處遂王健他羅國

謂之中印土又西至燕流波國及左攔陀羅國國有二寺又西過

四大國至大曲女城南臨滔牟河北背洹河塔廟甚多而無僧尼

又西二程有寶階故基又西至波羅奈國兩城相距五里南臨洹

河又西北十許里至鹿野苑塔廟佛跡最夥其目云別有傳記今

不傳矣南行十里度恒河河南有大浮屠台唐書云西至摩竭提

國館於漢寺寺多租入村肆焉僧徒往來如歸南與於林山相

直巍峯巋然西北有漫波拂多石室及塔廟故基西燕百里孤山

名鷄足三峯云是遊樂人定處又西北百里有菩提寶座城四門

相望全副座其中東復更東至尼連禪州東岸有石柱記佛舊臺自菩提

剛座之北門外有師子國伽藍又北五里至伽耶城又北十里至伽耶山云是佛說真雲經處又自金剛座東北十五里至正覺山又東北三十里至摩竭城業館於銀羅寺謂之南印土諸國僧多居之又東北四十里至王舍城東南五里有降醉象塔又東北登大山細路盤紆有舍利子塔又臨澗有下馬迎風塔度絕壑登山頂大塔廟云是七山說法處山北平地又有舍利本生塔其北山半曰鷲峯云是佛說法華經處山下即王舍城城北山趾有溫泉二十餘井又北有大寺及伽蘭陀竹園故跡又東有阿難半身舍利塔溫湯之西有平地直南登山腹有畢鉢羅窟業止其中誦經百日而去窟西復有阿難證果塔此去新王舍城八里日往乞食會新王舍城中有蘭若隸漢寺又有樹提迦故宅城其西有輪王塔又北十五里有那爛陀寺寺之南北各有數十寺門皆西向其北有四佛座又東北十五里至烏巔頭寺東南五里有聖觀自在

摩揭它

像又東北十里至伽濕彌羅寺寺南距漢寺八里許自漢寺東行十二里至却提希山又東七十里有鳩寺西北五十里有支那西寺古漢寺也西北百里至花氏城育王故都也自此渡河北至毗耶離城有維摩方丈故跡又至拘尸那城及多羅聚落踰大山數重至泥波羅國只至磨逾里過雪嶺至三耶寺由故道自此入階州

摩揭它一曰摩伽陀大中天竺屬國環五十里土沃宜稼穡有異稻巨粒號供大人米二石拘闍揭羅布羅城或曰俱蘇摩補羅曰波叱釐子城北頻旃伽河唐貞觀二十一年始遣使者自通于天子獻波羅樹樹類白楊太宗遣使取熬糖法即詔揚州上諸蔗拈潘如其刺色味愈西域遠甚高宗又遣王玄策至其國摩訶菩提祠立碑焉後德宗自製鍾銘賜於蘭陀祠又有那揭者亦屬國也貞觀二十年遣使者貢方物烏茶者一曰烏耨直天竺南地音五十里東距勃律六

百里西蜀賈四百里山谷相屬海金鐵蒲萄鬱金稱感熱人柔詠善  
禁架術國無刑殺死者放之窮山罪有疑飲以藥見溲清濁而決  
輕重有五城王后休膏禁利城一曰膏揭羣城東北有達羅羅川即  
烏裏舊也貞觀十六年其王達摩因陀斯遣使者獻龍腦香璽書  
優答大食與烏裏東鄙接開元中數誘之其王與骨咄俱位二王不  
肯臣玄宗命使者冊為王章未授國或曰章揭授本西羌種居悉立  
西南四山中後徙山西與東天竺接衣服畧相類因附之地袤八九  
百里勝兵二千人無城郭好鈔暴商旅患之貞觀二十年其王羅利  
多苦伽因悉立國遣使入朝玄宗策之討中天竺發兵來赴有功由是  
職貢不絕悉立當吐蕃西南戶五萬城邑多旁澗谿男子繒束頭衣  
氍毹婦人辮髮短裙婚姻不以財聘其穀宜秔稻麥豆死者葬于野  
不封樹喪制為黑衣滿年而除刑有刑剝常羈屬吐蕃

車離

車離後漢時通焉居沙奇城一名禮世住持一名沛隸王在天竺東南  
三千餘里大國也其土氣物類與天竺同別城數十皆稱王其人怯  
弱地東西南地方數千里人皆長八尺乘象駱駝往來隣國有寇乘  
象以戰

師子國

師子國東晉時通焉天竺旁國也在西海之中延袤二千餘里多出  
奇寶其地和適無夏冬之異五穀隨人所種不煩時節其國舊無人  
止有鬼神有龍居之諸國商賈來共市易不見其形但珍寶明其所  
堪價商人依價取之諸國人謂其土米因此競至或有停住者遂成  
大國能馴揚神師子遂以為各風俗與婆羅門同而尤敬佛法安帝  
義熙初遣使獻玉佛像高四尺二寸玉色紫潤形制殊特殆非人工

歷晉宋代在建康是官寺有微士載文道手制佛像三五維摩詰經至齊東  
昏遂毀玉像前武肅取才為廢宋文帝元嘉五年廿三利刹摩訶  
妾潘貴妃作鐵劍有或莫惜之

南遣使貢獻梁武帝大通元年後王伽示伽羅訶耶亦遣使貢獻  
杜環記師子國亦曰新羅又漢羅門南天竺國之北人盡胡貌秋夏發年國之南人盡條而四時霖而從此始有師云寺舍人皆僖耳布唐總章三年遣使來言天寶初羅遂伽再遣使獻大珠鈿

高附

高附後漢時通焉在大月氏西南亦大國也其俗似天竺而弱善賈  
敗內富於財所屬無常天竺蜀實安息三國強即得之弱則失之漢  
史云先未常屬月氏前漢書以爲五合利於後誤矣後屬安息及月氏破安息始用高附

文獻通考卷之三百三十八

